

釋氏要覽

原序

宣德郎守尙書屯田員外郎上輕車都尉 崔育林撰

昔我佛妙證三身。圓成四智。不泥洹而自證。運漚和以度人。敷顯萬法。指眞實際。導誨群性。了根本空。設三昧之門。嚴具足之相。盡有爲之執。歸無生之忍。宗會覺海。實蕃淨徒。迨乎寂滅示往。結集垂言。經論以祖述。教法以標闡。其爲大也。至極含受而不可限量。其爲小也。細而不遺視之弗見。窮無央之劫不可壞。終內有之識不能稱。錯綜端緒。雖惟逮而莫周。恢博開解。非超越而不至。將不由徑。儒爲所依。則今要覽可由而致之也。靡涉西流。知五竺之本末。不游法藏。明萬行之節制。動息隨用而立軌。修習知趣而不迷。包括微著。詮乘諦以證之。昭灼品例。卷上下以勻之。覽之者猶太

陽升而萬境廓然矣。謂曰真如非在句義。且夫一切之法。無礙相
中非學非知。應學應知。去聖彌遠。毛角差別。雖學雖知。然後不足。
罔有行向未臻。而遠離於學可也。因地果位。繫之在功。今誠公大
師博富於有聞。法施而留志。承佛威力。載集斯要。曰智曰慧。孰謂
不敏時。

皇宋

（一〇三〇）

天禧四載季秋既望序而引之

風

宣德初年書中田員代順土碑車磨樹 樹育林樹

原序

起復中散大夫守光祿卿知江甯府護軍紫金魚口口隨撰
錢塘月輪山釋賜紫誠公峻修潔之行明內外之學靡嬰拂於塵
務常宴息於雲寺以聖朝隆浮圖之教盛田衣之衆且謂契經至
廣博習難周虞來學之童蒙昧出俗之本末乃閱寶華之藏徧窮
貝葉之文采義類以貫穿撮樞要而精簡門目具舉事迹該詳披
其言則曄若春融質其理則煥然氷釋猶儒宮之學記實佛門之
會要也毗陵郡牧職方外郎崔公智識淵博才雅清粹乃作字引
辭旨妙絕幸獲捧覽讚歎無斁宜其鏤板傳諸不朽聊筆編末冀
翼而行之云爾

天聖甲子歲季春月辛亥叙

刊行佛學備要贅言

此書原名釋氏要覽。世久失傳。學者罕觀。今虞山應慈法師。覓得舊本。將重付梓。以佛學普被含識。非釋氏所得而私。因更今名。以廣流通。囑爲道其緣起。伏以道本無言。而言以載道。故聲明之學。五印所崇。此冊分類錄述。皆有關日用。抉擇精審。詰訓詳明。初心誦習。可免望洋之憂。宿學披尋。足爲守約之助。果能熟覽強記。則進讀羣經。自不爲名相所縛。而聽講參學。亦不至如聾如啞矣。應師心遊藏海。以文字般若。利導時機。宏法深心。甚爲希有。爰綴數語。以誌欽幸。

民國己未孟冬幻嚴居士吳有章和南謹記

釋氏要覽卷上

建康天禧講下衆公講主助緣

宋錢塘月輪山居講經論賜紫沙門釋道誠集

道誠自委講京寺東歸維桑始寓龍華禪府後住月輪蘭若中間十年寂絕外事唯讀藏經日爲常課
淵昔志也然則臨文味義猶渴夫飲河但能滿腹不知其深廣焉或見出家人須知之事隨便抄錄之泊
天禧三年秋

皇上覃昭曠之恩普度我天下童行因是讎文以類相從兼益諸家傳記書疏節文分爲二十七篇析爲
三卷題曰釋氏要覽焉且恤創入法門者皆所未知苟或玩此典言藏諸鑑府則終身免竊服之誚矣或
通才碩學豈以誠之微而廢聖人之言也云爾

篇目

準華嚴經云菩薩有十種知所謂知諸安立知諸語言知諸談議知諸軌則知諸稱謂知諸制令知其假
名知其無盡知其寂滅知一切空由是分爲二十七篇然則大小乘經律論文句悉同皆十知所攝也

姓氏

稱謂

居處

出家

師資

剃髮

法衣

戒法

中食

姓氏

西域記云、姓者所以繫統百世、使不別也、氏者所以別子孫之所出也、○釋迦氏譜云、夫姓氏之興本、欲召諸質也、故隨物類而命焉、

天竺三種姓有四

一者刹帝利、（謂奕世君王種、）二者婆羅門、（秦言外、意謂淨行志道、其種別有經書、世世相承、或在家出家、苦行而多恃已術、自我慢人、）三者毗舍、（或云吠舍、謂商賈之種、）四者首陀、（或云戍達羅、謂田農之種、）我佛釋迦牟尼世尊、即刹帝利之種也、長阿含經云、賢劫初成、未有日月、是時光音天人下生、皆有身光、飛行自在、無有男女尊卑親疎之別、食自然地味、因食此物、乃身光滅、神通亡、貪心始萌、復生地餅地膚地脂之味食、乃諸惡湊集、男女始形、地生杭米、朝刈暮生、亦無糠粃、時人貪心增長、皆預取厚藏、米遂不生、乃各占田土、學耕種業、自此姦盜滋彰、無決斷者、中有一人、容質環偉、世所欽信、衆議立爲民主、號摩訶三摩揭羅闍、（此云大平等主、）各願輸賦供億、（此租稅之始、）故命氏刹帝利、（此云土田主、謂初分土田、各有其別、）

別姓有五

我佛釋迦於三阿僧祇劫、修六度萬行、因、或實報、或示化、各隨物類、別名氏也、

一瞿曇氏

梵語正云瞿答摩、又云瞿曇彌、

此云地最勝、謂除天外、在地人類中最勝、故經云、昔佛於劫初作國王禪位、師瞿曇仙修道、常於一園游止、爲賊所害、彼僇乃殞尸、取血泥爲兩團、用器盛之、置於左右、咒之滿十月、左化爲男、右化爲女、乃命氏瞿曇始也。

二甘蔗氏

經云、昔有轉輪王、名大自在、子孫相承、合有八萬四千王、最後王名大茅草、聖老無子、乃委政大臣、自剃髮出家、衆號王僇、極老不能行履、諸弟子輩時行乞食、遂以草籠盛王僇懸於樹、虞虎狼之害也、有獵人望見、謂是白鳥、乃射之死、血灑於地、諸弟子歸見師被害、即共殞尸、其血灑之地、後時忽生甘蔗二本、日炙開剖、一生童子、一生童女、大臣聞迎取歸宮、養育長成、以王種故、遂立爲王、命氏甘蔗始也、（或梵云喬答摩、或僇曇彌、二姓華言最勝、經音疏云、皆甘蔗王種也、順正理論云、喬答摩種、生於日光、）

三日種氏

經云、即甘蔗王不受胎藏、因日炙開剖、故名日種、○大悲經云、姓日者、爲離諸暗而作光明故、（今詳二經、前就本緣、後約功德、）

四舍夷氏

即甘蔗王擯出四太子、一名炬面、二名金色、三名象衆、四名尼拘羅、（隋言別成、）四子初至雪山北、頓駕大樹枝條、翳翳之下、是故名舍夷者耶、今言舍夷必、梵語訛略也、

五分律云、近雪山北舍夷林、築城營舍、又餅沙王始問佛生何國、佛言生舍夷國、（今詳必因樹命國、從國稱氏、）○法苑云、舍夷者、西方之貴姓也、

五釋迦氏

即彼四太子以德歸人、不數年間、鬱爲強國、父王悔憶、遣使往詔、四子辭過不歸、父王乃三歎曰、我子釋迦、（華言能仁、）長

阿含經云、釋迦秦言能、又譯爲直、謂直林故、（詳此二譯、初從人、後就處、）今詳四太子俱命釋迦、惟第四尼拘羅是我佛祖也、按經云、尼拘羅有子名俱盧、俱盧有子名瞿俱盧、瞿俱盧有子名師子頰、師子頰有四子、一淨飯、二白飯、三斛飯、四甘露飯、（

出家人統姓

開元錄云、秦晉已前出家者多隨師姓、後彌天沙門道安云、凡剃髮染衣、紹釋

迦種、即無殊姓、宜悉稱釋氏、時皆未然、泊譯出阿含經云、佛告比丘、四大河水入海、無復本名、同名爲海、四姓之子、於佛出家、剃除鬚髮、着三法衣、無復本姓、但云沙門釋子、○彌沙塞律云、汝等比丘、雜類出家、皆捨本姓、同稱釋子、（今稱沙門釋者、蓋天竺出家、外道亦自稱沙門、今以釋字簡之、或單稱釋亦可、若彼此是僧、即不用稱、蓋同一釋家、法兄弟故、）

稱謂

沙門

肇師云、出家之都名也、梵云沙迦憐、（憐、門字上聲呼之、）異、唐言勤息、謂此人勤修善品、息諸

惡故、又秦譯云勤行、謂勤修善法、行趣涅槃也、或云沙門那、或云桑門、皆譯人楚夏爾、○涅槃經云、沙門此云善覺、○大方廣寶篋經云、離諸纏聚、故名沙門、○大莊嚴經云、超過染着名沙門、○正法念處經云、心無所樂着、一切不希望、能脫一切貪、是名爲沙門、○華首經云、如空無觸礙、燭灑無所汙、我說沙門法、無染亦如是、○寶積經云、沙門者、寂滅故、調伏故、受教故、戒身淨故、如實義故、得解脫故、離世八

法故、堅心不動如地故、護彼我意故、於諸形相無染着、如空中動手、無所礙故、成就如是多法、故名沙門。
○長阿含經云、沙門者、捨離恩愛、出家修道、攝御諸根、不染外欲、慈心一切、無所傷害、逢苦不戚、遇樂不忻、能忍如地。○瑜伽論云、有四沙門、一勝道沙門、即佛等、二說道沙門、謂說正法者、三活道沙門、謂修諸善品者、四汙道沙門、謂諸邪行者、（道即八支聖道也、若有其道、自行邪行、非生道器、故名汙道）五分律云、佛始成道、世皆稱為大沙門。

比丘

梵語云比丘、秦言乞士、謂上於諸佛乞法、資益慧命、下於施主乞食、資益色身。○肇法師云、因果有三名、一名怖魔、即因出家時魔宮震動故、至果上名殺賊、（有云出家者、具正信正因、發勇捍心、求佛果大菩提、誓度一切衆生、真實大心者、方能震動魔宮爾）二因中名乞士、果上名應供、三因中名破惡、（即持戒名破惡）至果上名無生。○涅槃經云、能破煩惱、故名比丘、破我等想、修戒定慧、度三有四流、安處無畏道、故名比丘。○大莊嚴經云、破無明藏、故名比丘。○瑜伽論云、比丘者、捨離家法、趣非家等、具足別解脫律儀衆同分是其自性、於其形色勤精進、故怖畏惡趣、自防守故、攝無損故、名比丘。○毗婆沙論偈云、手足勿妄犯、節言順所行、常樂守定意、是名真比丘。○雜阿含經偈云、所謂比丘者、非但以乞食、受持在家法、是何名比丘、於功德過惡、俱離修正行、其心無所畏、是則名比丘。○大威德陀羅尼

有一長者、名選擇、投佛出家、剃髮已、時有尊者婆難陀、喚云長者選擇、答曰、我今出家剃髮爲比丘、非長者也、時婆難陀語曰、不但剃髮名爲比丘、乃以偈說云、若斷欲希望、復斷諸漏盡、諸法無希望、不可說有法、隨順向涅槃、隨順趣厭離、入信到彼岸、此成爲比丘、有四種比丘、一畢竟到道比丘、謂阿羅漢、二示道比丘、謂三果聖人、三受道比丘、謂初果向、四汙道比丘、謂凡夫破戒者、（凡夫持戒比丘、隨信隨戒法故、必在受道下稱也、問、汙道比丘、堪爲福田否、答、大婆沙論云、汙道比丘、雖破戒而不破見、雖破加行不破意樂、信有因果、如是正見意樂、九十六種外道所無、但施主於彼起正信、不生嫌惡、自生大福矣、）

苾芻

梵語也、是西天草名、具五德、故將喻出家人、古師云、苾芻所以不譯者、蓋含五義故、一者體性

柔軟、喻出家人能折伏身語、麤獷故、二引蔓旁布、喻出家人傳法度人、連延不絕故、三馨香遠聞、喻出家人戒德芬馥、爲衆所聞、四能療疼痛、喻出家人能斷煩惱毒害故、五不背日光、喻出家人常向佛日故、○根本律白一羯磨本云、有苾芻年八十歲、滿六十夏、若於別解脫經未曾讀誦、不了其義、此名老小苾芻、（別解脫經即戒）

僧

梵語具云僧伽、唐言衆、今略稱僧也、○中阿含經云、何名衆、答、有若干姓異名異本也、此舉隅爾、族、剃除鬚髮、著袈裟衣、至信捨家、從佛學道、是名衆、○普見律云、等戒等見等智

等衆、是爲僧、○南山鈔云、四人已上、能御聖法、辦得前事、名之爲僧、僧以和合爲義、言和合者、有二種、一

理和、謂同證擇滅故、二事和、此別有六義、一戒和同修、二見和同解、三身和同住、四利和同均、五口和無
諍、六意和同悅、僧吏略云、凡四人已上名僧、今一人亦稱僧者、蓋從衆名之也、亦如萬有二千五百人爲
軍、一人亦
稱軍也、

除饑男

康僧會註法鏡經云、凡夫貪著六塵、猶餓夫貪食、不知厭足、今聖人斷除貪愛、除
六情飢饉、故號除饑、○分別功德論云、世人飢饉色欲、比丘除此愛饑之想故、

導師

十住斷結經云、號導師者、令衆生類、示其正道故、○華首經云、能爲人說無生死道、故名導師、○
佛報恩經云、大導師者、以正路示涅槃樂經、使得無爲常樂故、○大法炬陀羅尼經云、以能不退菩

提道、不斷絕菩提道、故名導師、○商主天子所問經云、何名導師、文殊答云、住是道已、能令衆生得成熟、

故名

祖師

寶林傳云、期城太守楊街之問達磨云、西國相承、稱祖何義、達磨曰、明佛心宗、
行解相應、名爲祖師、（此土自達磨西來、距曹溪能大師、六人得稱祖師、）

禪師

善住
意天

子所問經云、天子問文殊曰、何等比丘得名禪師、文殊曰、於一切法一行思量、所謂不生、若如是知、得名
禪師、乃至無有少法可取、不取何法、所謂不取此世後世、不取三界、至一切法悉不取、謂一切法悉無、衆
生如是不取得名禪師、無少取、非取不取、於一切法悉無所得、故無憶念、若不憶念、彼則不修、若不修者、
彼則不證、

善知識

摩訶般若經云、能說空、無相、無作、無生、無滅法、及一切種智、令人心入歡喜信樂、
故名禪師、
是名善知識、○華首經云、有四法是善知識、一能令人入善法中、二能障礙諸不

善法、三能令人住於正法、四常能隨順教化。○瑜伽論云、善知識具十功德、一調伏、二寂靜、三悉除、四德增、五有勇、六經富、七覺真、八善說、九悲深、十離退、且初調伏者、謂與戒相應、由根調故、寂靜者、定相應、由內攝故、悉除者、信念以慧相應、煩惱斷故、德增者、戒定慧具、不缺減故、有勇者、利益他時、不疲倦故、經富者、多聞故、覺真者、了實義故、善說者、不顛倒故、**長老**、長阿含經云、有三長老、謂耆年長老、（年臘多者、悲深者、絕希望故、離退者、於一切時恭敬故、）法長老、（了達法性內有智德、）作長老、（假

號之者、）○譬喻經偈云、所謂長老者、未必剃鬚髮、雖復年齒長、不免於惡行、若有見諦法、無害於羣萌、捨諸穢惡行、此名爲長老、我今謂長老、未必先出家、修其善本業、分別於正行、設有年齒幼、諸根無漏缺、此謂名長老、○肇法師云、內有智德可尊、故名

長老。○恩法師云、有長者老年之德、名長老、**宗師**、傳佛心宗之師、又云宗者尊也、**法主**、阿含經云、謂此人開空法道、爲衆所尊故、

主、今古皆以說法知法之僧爲法主、如僧叡謂僧導曰、若當爲萬人法主、宋孝武勅道猷爲新安寺鎮寺

法、**大師**、師範也、大簡小之言也、○佛稱三界大師者、瑜伽論云、能化導無量衆生、令苦寂滅、又云、摧滅

主、邪穢外道、出現世間、故號大師、若凡夫比丘、蒙勅賜號者、僧史略云、肇自唐懿宗咸通十一年

十一月十四日延慶節、內道場談論、左街雲顥賜三慧大師、右街僧徹賜淨光大師、可孚賜法智大師、重

謙賜青蓮大師、此爲始也、○瑜伽論云、略有大師五種功德、一於諸戒行終無悞失、二善建立法、三善制

謙賜青蓮大師、此爲始也、○瑜伽論云、略有大師五種功德、一於諸戒行終無悞失、二善建立法、三善制

所學、四於善立善制中、隨所疑
惑等、皆能善斷、五教授出離、

法師

雜阿含經云、何名法師、佛言、若於色說是生厭離、欲滅盡寂靜法、
者、名法師、若於受、想、行、識、說是生厭離、欲滅盡寂靜法者、名法師、

○十住婆沙論云、應行四法名法師、一廣博多學、能持一切言辭章句、二決定善知世間出世間諸法生
滅相、三得禪定智、於諸經法隨順無諍、四不增不損、如所說行、○辯中邊論、十種法師頌曰、謂書寫、供養、
施他、聽、披讀、受持、正
開演說、誦、及思、修、

律師

律鈔解題云、佛言善解一字名律師、一字者、律字也、○寶雲經云、具足十法
名律師、一善解毗尼所起、二善解毗尼甚深處、三善解毗尼微細事、四善解

毗尼此事得彼事不得、五善解毗尼性重戒、六善解毗尼制重戒、七善解毗尼制起因緣、八善解聲聞毗
尼、九善解辟支毗尼、十善解菩薩毗尼、○十誦律云、持律人有七功德、一能持佛內藏、二能善斷諍、三持
戒、四外道頂住以律故、五不咨問他、於衆說戒無畏故、六能斷有疑故、七能令正法久住故、○善見律云、
佛說持律人、即是功德、**闍梨**
根本、因根故攝領諸法、
提資糧論云、阿遮梨夜、隋言正行、○南山鈔云、能糾正弟子行故、

勝

士

月燈三昧經云、能
淨持戒名勝士、

尊者

梵云阿梨夷、華言尊者、
謂德行智具、可尊之者、

開士

經音疏云、開、達也、明也、解也、士、則士夫也、
經中多呼菩薩爲開士、前秦符堅、賜沙門

有德解者號開士、**大德**、智度論云、梵語婆檀、秦言大德、律中多呼佛爲大德、○毗奈耶律云、佛言、從

今日從小下菰、於長宿處、應喚大德。○此方比丘若宣補者、僧史略云、即唐代宗大歷六年四月五日、勅京城僧尼臨壇大德、各置十人、以為常式、此帶臨壇而有、大德二字、此為始也。○增輝記云、行滿德高、曰大上座。五分律云、齊幾名上座、佛言上更無人名上座。毗尼母云、從無夏至九夏是下座、自十夏德、至十九夏是中座、自二十夏至四十夏是上座、五十夏已上、一切沙門之所尊敬名耆宿、

準百一羯磨云、雖夏臘六十、應須是知律有戒行者、方名耆宿。○毗婆沙論云、有三上座、一生年上座、即尊長者舊具戒名真生故、二世俗上座、即知法富貴、大財大位大族大力大眷屬、雖年二十、皆應和合、推為上座、三法性上座、即阿羅漢、頌曰、心掉多綺語、染意亂思惟、雖久住林園、而非真上座、具戒智正念、寂靜心解脫、彼於法能觀、是名真上座。○十誦律云、具十法名上座、謂有住處、(言住處者、婆沙論云、謂道及果空三摩地、能引彼力殊勝、能令身心安住不動、故名上座住處矣)、無畏、無煩惱、多知識、多聞、辯言具足、義趣明了、聞者信受、善能安養、入他家、能為白衣說法、令他捨惡從善、自具四諦法樂、無有所乏、名上座。○律中、僧坊上座、(即律三綱上座)、僧上座、(即壇上上座、或堂中首座)、別房上座、(即今禪居諸寮首座)、住家上座、(即計齊席上座)。○婆娑論云、夫上座者、心安住故、不為世違順傾動、是名上座。座主、據言曰、有司謂之座主、今釋氏取學解優瞻穎拔者名座主、謂一座之主、古高僧呼講者為高座、或是高座之主、上士、瑜伽論云、無自利利他行者名下士有自利無

利他者名中士、有二利名上士、(上)

上人

摩訶般若經云、何名上人、佛言、若菩薩一心行阿耨菩提、心不散亂、是名上人、○增一經云、夫人處世有過、能自改者、名

士具二利、有大心大行、亦名大士、

上人、○十誦律云、有四種、一、飮人、二、濁人、三、中聞人、四、上人、○律、餅沙王呼佛弟子、爲上人、○古師云、內

有智德、外有勝行、

道人

智度論云、得道者名爲道人、餘出家者、未得道者、亦名道人、(道者亦同此說、)

貧道

智度論云、貧有二種、一、財貧、二、功德法貧、○瑜伽論云、出

在人之上、名上人、

家品、智貧、財貧、○指歸云、道則通物之稱也、屬三乘聖人所證之道也、謂我寡少此道、故曰貧道、(僧史

略云、漢魏兩晉沙門、對君王亦只稱貧道、如南齊時、帝問王儉曰、先輩沙門對帶何稱、正殿還坐否、儉對

曰、漢魏佛法未興、不見紀傳、自僞

頭陀

梵語杜多、漢言抖擻、謂三毒如塵、能並汚真心、此人能振掉除

國稍盛、皆稱貧道、亦聞預坐、)

去故、今訛稱頭陀、○善住意天子經云、杜多者、抖擻貪欲、瞋癡

三界內外六入、若不取、不捨、不修、不著、非是不著、我說彼人名爲杜多、○頭陀十二功德、一、阿蘭若處、二

常乞食、三次第乞、四、一受食、五、節量食、六、中後無飲漿、七、弊衣、八、但三衣、九、塚間、十、樹下坐、十一、露地坐、

十二、長坐不臥、)

支郎

古今儒雅、多呼僧爲支郎者、高僧傳云、魏有三高僧、曰支謙、支繼、支亮、於中謙

彼經廣有說文、)

者、爲人細長黑瘦、眼多白而睛黃、復多智、時賢諺曰、支郎眼中黃、形軀雖小是

智囊、緇流、此從衣色名之也、僧史略云、問、緇衣者、色何狀貌、答、紫而淺黑、考功記云、三入爲纁、五入爲

赭七入為緇矣、固知緇本出絳雀頭色、即紫赤色也、故梁淨秀尼見聖衆衣、如桑熟椹、此乃淺赤深黑色

也、**龍象** 中阿含經、佛告鄔陀夷、若沙門等從人

至天、不以身口意害、我說彼是龍象、

空門子

智度論云、涅槃有三門、一空門、二無相門、三無作門、何者空門、謂觀諸法無我、我所、

諸法從因緣生、無作者、受者、是名空、今

宗主

僧史略云、唐宋寺皆立受依止闍黎一員、今朝取秉律員、位最高者、號宗主、蓋道俗之間、有諍不分曲直、告具剖斷、

令人息

僧錄

僧史略云、唐文宗開成中、始立左右僧錄、即端甫法師為始也、法師德宗召入禁中、與儒

諍故也、

左街

副僧錄

即昭宗乾寧中改首座為副僧錄、即覺暉為始也、

講經論首座

史云、首座之名、即上座也、居席之端、處僧之上故也、即唐宣宗署僧辯章為三

教首座、此為始也、今則

僧正

史云、正者政也、自正正人、克敷政令故、蓋以比丘無法、若馬無轡勒、漸染俗風、將乖雅則、故擇有德望者、以法而繩之、令歸乎正、故云僧正、此以為

秦僧誓為始也、至梁普通六年、勅

僧主

即南齊永明中、武帝勅法獻為僧主始也、(所言主者、猶僧官也、)

國師

僧史略云、西域昔有尼隄子、學通三藏、兼

法雲為大僧正、(此加大字、)

達五明、舉國皈依、乃彰斯號、此土則北齊高僧法常演毗尼涅槃、通禪法、齊主崇為國師、此為始也、唐神